



Broj:08-36-3-2387/2021  
Konjic, 15.06.2021.

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09"), člana 38. Općine Konjic( Službeni glasnik Općine Konjic, broj: 4/11, 6/11, 3/20) i Pravilnika o utvrđivanju uslova, kriterija, postupku raspodjele sredstava i praćenju realizacije projekata i programa za oblast tjelesne kulture, sporta i sportskih manifestacija, broj: 08-36-2-1848/21 od 10.05.2021.godine, Načelnik Općine o b j a v l j u j e

### JAVNI POZIV

**za podnošenje aplikacija i projektnih prijedloga za finansiranje i sufinansiranje programa/ projekata sportskih organizacija u oblasti tjelesne kulture, sporta i sportskih manifestacija iz Budžeta Općine Konjic za 2021. godinu**

#### Predmet Javnog poziva

#### I

Predmet Javnog poziva je prikupljanje aplikacija i projektnih prijedloga za finansiranje i sufinansiranje programa/projekata sportskih organizacija u oblasti tjelesne kulture, sporta i sportskih manifestacija iz Budžeta Općine Konjic za 2021. godinu, sa budžetskog koda:

**1) 614 122- Program podrške sportskim klubovima, udruženjima građana koji u svojim projektima promovišu masovni sport i zdrav život, te finansiranje sportskih manifestacija od značaja za Općinu Konjic, u iznosu od 66.000 KM;**

2. Sredstva iz stava (1) ovog člana dodjeljuju se sportskim organizacijama koje se bave organizovanim oblicima takmičenja na kantonalnom ili gradskom nivou,takmičenjima klubova i uspješnih sportista (individualni sport), rekreativnim sportom, sportskim odgojem i obrazovanjem, zdravstvenom zaštitom sportista i ostalim organizacijama koje se bave sportskom djelatnošću, sportskim organizacijama koje se bave organizacijom sportskih manifestacija i memorijalnih turnira.

#### II

#### Namjena sredstava

Sredstva se dodjeljuju za realizaciju programa/projekata sportskih organizacija koji se odnose na finansiranje ili sufinansiranje:

- a) vrhunskog sporta,
- b) kvalitetnog sporta,
- c) sporta lica sa invaliditetom,
- d) sportskih takmičenja na kantonalnom i gradskom nivou,
- e) sportske rekreacije,
- f) sportskog odgoja i obrazovanja,
- g) zdravstvene zaštite sportista,
- h) organizacija sportskih manifestacija i turnira

#### III

#### Pravo na dodjelu sredstava

Pravo na dodjelu sredstava za finansiranje ili sufinansiranje programa/projekata imaju sljedeće sportske organizacije:

- a) sportski klubovi
- b) sportska društva,
- c) sportski savezi,
- d) udruženja stručnih osoba osposobljenih za rad u sportu,
- e) udruženja sportske rekreacije,
- f) sportski klubovi lica sa invaliditetom
- g) druga udruženja koja se prema svojim registrovanim djelatnostima bave sportom,
- h) pojedinci- sportisti

#### IV Uslovi

- (1) Aplikanti (sportske organizacije) moraju zadovoljiti sljedeće opće uslove:
1. da su osnovani i registrovani u Bosni i Hercegovini,
  2. da su vođeni od strane državljana Bosne i Hercegovine,
  3. da imaju sjedište na području Općine Konjic
  4. da su projekti i programi u potpunosti ili djelimično namijenjeni građanima Općine Konjic, osim ako Pravilnikom nije drugačije određeno,
  5. da se projekti i programi realizuju za period budžetske godine (od 01.01. do 31.12. 2021.),
  6. da ne obavljaju aktivnosti u ime političkih partija.

**(2) Aplikanti koji se prijavljuju na javni poziv, dužni su dostaviti sljedeću dokumentaciju (obavezna dokumentacija):**

1. Elektronski popunjen aplikacijski obrazac koji mora biti potpisan od strane odgovorne osobe i ovjeren pečatom sportske organizacije (aplikanta),
2. Rješenje o registraciji udruženja (original ili ovjerena kopija),
3. Uvjerenje o poreznoj registraciji – ID broj (original ili ovjerena kopija),
4. Obavještenje o razvrstavanju – klasifikacijska djelatnost (original ili ovjerena kopija),
5. Karton deponovanih potpisa (original ili ovjerena kopija),
6. Ugovor o otvaranju žiro-računa udruženja ili potvrda iz banke o žiro-računu (original ili ovjerena kopija),
7. Dokaz o namjenskom utrošku finansijskih sredstava dobivenih iz Budžeta Općine Konjic za prethodne godine
8. Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a) (original ili ovjerena kopija). Ukoliko nije u sistemu PDV-a, aplikant o tome dostavlja ovjerenu izjavu ovlaštene osobe sportske organizacije.
9. Izjava ovlaštene osobe sportske organizacije da aplikant za projekat ili program za koji aplicira nije dobio sredstva u ukupnom iznosu vrijednosti projekta/programa od drugog donatora ovjerena od strane nadležnog organa.
10. Bilans stanja i bilans uspjeha poslovanja, prema završnom računu, za prethodnu godinu, ovjeren od strane FIA-e.

#### V Kriteriji

- (1) Komisija vrednuje pristigle prijedloge projekata/programa sportskih organizacija, prema kriterijima s pripadajućim brojem bodova:
1. nivo takmičenja na kojim sportske ekipe i sportisti učestvuju prema predloženom projektu,
  2. broj selekcija i broj članova sportske organizacije
  3. ostvareni sportski rezultati u prethodnoj godini
  4. opis, trajanje i masovnost manifestacije ili događaja,
  5. broj stručnih osoba uključenih u realizaciju projekta ili programa
  6. tradicija organizovanja/postojanja projekta ili programa,
  7. značaj manifestacije ili događaja za lokalnu zajednicu
  8. budžet i racionalnost troškova
  9. kvalitet programa/ projekta
- (2) Sportske organizacije su obavezne dostaviti dokaze o ispunjavanju navedenih kriterija za vrednovanje projekata i programa, koji su navedeni u aplikacijskom obrascu koji su sastavni dio ovog Javnog poziva. U slučaju nedostavljanja potrebne dokumentacije po bilo kojem od utvrđenih kriterija, projektni prijedlog sportskih organizacija neće biti bodovan po kriteriju za koji nije dostavljena potrebna dokumentacija.
- (3) Svaki član Komisije dodjeljuje bodove od 1 do 5 za svaki od kriterija pojedinačno na sljedeći način: 1 (veoma loše), 2 (loše), 3 (odgovarajuće), 4 (dobro), 5 (veoma dobro). Aplikant koji ne dostavi dokaze o ispunjavanju nekog od kriterija za vrednovanje projekata i programa koji su definisani aplikacijskim obrascem, svaki od tih kriterija bodovaće se nulom. Konačan broj bodova za svaki od kriterija predstavlja prosječan broj bodova navedenog kriterija svih članova Komisije.
- (4) Maksimalan broj bodova koje aplikant može ostvariti je 45. Projekti koji dobiju 15 i više bodova bit će finansirani, odnosno sufinansirani iz Budžeta Općine Konjic, s obzirom da projekti/programi sa nižim brojem bodova od 15 ne zadovoljavaju postavljene standarde i neće biti finansirani, odnosno sufinansirani.

- (5) Sportska organizacija može aplicirati maksimalno do 15% planiranih sredstava u Budžetu Općine Konjic. slučaju da je iznos sredstava veći od 15%, Komisija će isti iznos smanjiti na 15% u budžetu planiranih sredstava na određenoj budžetskoj poziciji u aplikaciji sportske organizacije i dalje će se koristiti taj iznos.
- (6) Na osnovu broja bodova vezanih za kriteriji „budžet i racionalnost troškova“ iz člana V, i to:
- 1 – 1,49            dodjeljuje se 20% traženog iznosa sredstava,
  - 1,50 – 1,99        dodjeljuje se 30% traženog iznosa sredstava,
  - 2 – 2,49            dodjeljuje se 40% traženog iznosa sredstava,
  - 2,50 – 2,99        dodjeljuje se 50% traženog iznosa sredstava,
  - 3 – 3,49            dodjeljuje se 60% traženog iznosa sredstava,
  - 3,50 – 3,99        dodjeljuje se 70% traženog iznosa sredstava,
  - 4 – 4,49            dodjeljuje se 80% traženog iznosa sredstava,
  - 4,50 – 4,99        dodjeljuje se 90% traženog iznosa sredstava,
  - 5                     dodjeljuje se 100% traženog iznosa sredstava.
- (7) Iznos sredstava koji je izračunat u stavu 10. ovog člana se na osnovu ukupnog broja bodova:
- 15 – 17,99        dodjeljuje 20% iznosa izračunatog u stavu 10. ovog člana,
  - 18 – 20,99        dodjeljuje 30% iznosa izračunatog u stavu 10. ovog člana,
  - 21 – 23,99        dodjeljuje 40% iznosa izračunatog u stavu 10. ovog člana,
  - 24 – 26,99        dodjeljuje 50% iznosa izračunatog u stavu 10. ovog člana,
  - 27 – 29,99        dodjeljuje 60% iznosa izračunatog u stavu 10. ovog člana,
  
  - 30 – 32,99        dodjeljuje 70% iznosa izračunatog u stavu 10. ovog člana,
  - 33 – 35,99        dodjeljuje 80% iznosa izračunatog u stavu 10. ovog člana,
  - 36 – 38,99        dodjeljuje 90% iznosa izračunatog u stavu 10. ovog člana,
  - 39 – 45 dodjeljuje 100% iznosa izračunatog u stavu 10. ovog člana.
- (8) U slučaju da je iznos sredstava za sportske organizacije, koji je dodijeljen na način propisan u stavu (10) i (11) ovog člana veći od iznosa sredstava planiran budžetskom pozicijom, procentualno se smanjuje svim sportskim organizacijama do iznosa planiranog budžetskom pozicijom.

## VI

### Projekti/programi koji se neće finansirati

(1) Općina Konjic neće finansirati/sufinansirati sljedeće programe/projekte:

- projekti sportskih organizacija koje nisu izvršile svoje obaveze po ranije odobrenim projektima finansiranim ili sufinansiranim iz Budžeta Općine Konjic
- projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je oprema neophodna za uspješnu implementaciju projekta,
- projekti kojima je predviđen dio administrativnih i materijalnih troškova (električna energija, voda, telefon, kancelarijski materijal i sl.) veći od 20% ukupnog iznosa projekta, osim ako Pravilnikom nije drugačije određeno,
- projekti koji su usmjereni prema političkim aktivnostima,
- projekti koji su namijenjeni za isključivu dobit pojedinca,
- projekti koji se zasnivaju na dodjeljivanju sredstava trećoj strani, osim ako Pravilnikom nije drugačije određeno.

(2) Sredstva dodijeljena iz Budžeta Općine Konjic za projekte/programe sportskih organizacija se ne mogu koristiti za finansiranje ili sufinansiranje sljedećih troškova:

1. zakup kancelarijskog prostora,
2. naknade za rad predsjednika, podpredsjednika i sekretara sportske organizacije,
3. naknade za rad upravnog odbora ili drugih radnih tijela organizacije,
4. troškove reprezentacije predsjednika udruženja i drugih lica iz upravljačke strukture.



## VII

### Prijava na Javni poziv

- (1) Javni poziv se objavljuje na web stranici Općine Konjic, oglasnoj tabli i putem RTV-a Konjic
- (2) Prijave na Javni poziv se podnose na propisanom aplikacijskom obrascu po Javnom pozivu za podnošenje aplikacija i projektnih prijedloga za finansiranje i sufinansiranje programa/ projekata sportskih organizacija u oblasti tjelesne kulture, sporta i sportskih manifestacija iz Budžeta Općine za 2021. godinu, koji mora biti potpisan i ovjeren pečatom sportske organizacije.
- (3) **Jedna sportska organizacija može aplicirati sa više projekata za jednu kalendarsku godinu, kojim s tim da ukupan iznos traženih sredstava za projekat/program ne prelazi 15% budžetske pozicije Budžeta Općine Konjic za koju aplicira.**
- (4) Ako sportska organizacija aplicira na budžetsku poziciju ili oblast koja je van područja njenog djelovanja, Komisija zadržava pravo da o tome usmeno obavijesti aplikanta, i pozove ga da u roku od tri dana izmijeni svoju prijavu, o čemu će Komisija za provođenje postupka i odabir projekata i programa sportskih organizacija sačiniti službenu zabilješku. Ukoliko aplikant ne postupi po obavijesti, Komisija će odbaciti prijavu.

## VIII

### Način i rok za podnošenje prijave (aplikacije)

Elektronski popunjen aplikacijski obrazac koji mora biti potpisan od strane odgovorne osobe i ovjeren pečatom sportske organizacije sa pratećom dokumentacijom dostaviti Komisiji za provođenje postupka i odabir projekata i programa sportskih organizacija koji će se finansirati ili sufinansirati iz Budžeta Općine Konjic za 2021. godinu, u zatvorenoj koverti uz obaveznu naznaku:

“Prijava na Javni poziv za finansiranje ili sufinansiranje projekata/programa sportskih organizacija- NE OTVARAJ“, putem protokola Općine Konjic ili preporučeno putem pošte na adresu:

### Općina Konjic

**Komisiji za provođenje postupka i odabir projekata i programa sportskih organizacija koji će se finansirati ili sufinansirati iz Budžeta Općine Konjic za 2021. godinu,  
Ulica Maršala Tita Konjic  
(uz obaveznu naznaku “Prijava na Javni poziv-NE OTVARAJ“)**

- (1) Javni poziv ostaje otvoren 15 dana od dana objavljivanja na web stranici Općine Konjic. Aplikacijski obrazac i prateća dokumentacija se može preuzeti sa web stranice.
- (2) Kontakt za informacije: 036-712-253 i 036-712-252
- (3) Projektni prijedlozi s nepotpunom dokumentacijom i dostavljeni izvan predviđenog roka neće biti razmatrani niti finansirani.
- (4) Komisija donosi Privremenu rang listu o odabiru projekata i programa za oblast tjelesne kulture, sporta i sportskih manifestacija koji se finansiraju/sufinansiraju iz Budžeta Općine Konjic, s tabelarnim prikazom svih sportskih organizacija, naziva projekata i iznosom sredstava i objavljuje je na web stranici Općine Konjic.
- (5) U cilju zaštite ličnih podataka, podaci prikupljeni od podnosioca prijava će biti tretirani u skladu sa odredbama Zakona o zaštiti ličnih podataka („Službeni glasnik BiH“, broj: 32/01).

## IX

### Korištenje sredstava i izvještavanje

- (1) Sredstva dodijeljena za projekte/programme sportskim organizacijama moгу se koristiti i pravdati tokom cijele budžetske godine (od 01.01.2021. do 31.12.2021.), odnosno na način kako je definisano Pravilnikom o utvrđivanju uslova, kriterija, postupku raspodjele sredstava i praćenju realizacije projekata i programa za oblast tjelesne kulture, sporta i sportskih manifestacija, broj: 08-36-2-1848/2021 od 10.05.2021. godine i zaključenim Ugovorom.
- (2) Aplikanti kojima su dodijeljena sredstva dužni su dostaviti izvještaj o realizaciji projekta (narativni i finansijski dio) sa ostalom potrebnom finansijskom dokumentacijom, što ovisi od dužine trajanja projekta i visine dodijeljenih sredstava.

(3) Rokovi za dostavljanje izvještaja biće utvrđeni u ugovoru, odnosno mjesec dana poslije realizovanog projekta ili do kraja budžetske godine.

## X


### Informacije podnosiocima prijava

- Prispjela dokumentacija neće se vraćati.
- Podnosilac prijave je odgovoran za tačnost podataka u prijavi na propisanom obrascu.
- Prijave koje nisu podnesene na propisanim obrascima, neblagovremene i nepotpune prijave koje nisu dostavljene u navedenom roku neće biti razmatrane.
- Prijave korisnika sredstava koji nisu opravdali namjenski utrošak dodijeljenih sredstava u proteklim godinama iz Budžeta Općine Konjic neće biti razmatrane.
- Sredstva će biti doznačena nakon potpisivanja ugovora, u jednoj ili više tranši, u skladu s prilivom budžetskih sredstava Općine. U slučaju nedostatka sredstava u Budžetu Općine Konjic za tekuću godinu, obustaviti će se realizacija dodjele finansijskih sredstava u potpunosti ili djelimično, srazmjerno nedostajućim sredstvima.

Pripremila: Biljana Handžo, prof.phil.  
Šef odsjeka za privredu i društvene djelatnosti: Adisa Kečević, dipl.ecc  
Po ovlaštenju Načelnika, pomoćnik Načelnika: Adnan Špago, dipl.ecc

Dostaviti:

1. Radio Konjic;
2. Web stranica Općine Konjic;
3. Načelniku;
4. Oglasna tabla Općine Konjic;
5. Služba za privredu, finansije i društvene djelatnosti 2x
6. a/a



Načelnik Općine

Osman Čatić